

„Službene novine Kantona Sarajevo“, broj 34/08

Ministarstvo pravde i uprave

Na osnovu člana 7. stav (2) Zakona o Kantonalnom tužilaštvu Kantona Sarajevo ("Službene novine Kantona Sarajevo", br. 20/02, 22/02 i 30/08), ministar pravde i uprave donosi

PRAVILNIK O SLUŽBENOJ LEGITIMACIJI TUŽIOCA

Član 1.

(Sadržaj Pravilnika)

Ovim Pravilnikom propisuje se obrazac i način izdavanja službene legitimacije (u daljnjem tekstu: legitimacija) Glavnog kantonalnog tužioca, zamjenika Glavnog kantonalnog tužioca i kantonalnih tužilaca Kantonalnog tužilaštva Kantona Sarajevo (u daljnjem tekstu: tužilac), zamjena i vođenje evidencije o izdatim legitimacijama.

Član 2.

(Sadržaj legitimacije)

Legitimacija tužioca sadrži podatke o identitetu tužioca, kao i kratak izvod o imunitetskim i drugim pravima koja mu pripadaju na osnovu ustava, zakona i drugih propisa.

Član 3.

(Javna isprava)

- (1) Legitimacija je javna isprava.
- (2) Tužilac je dužan nositi legitimaciju i pokazati je nadležnom organu, kada se na osnovu legitimacije koristi imunitetskim ili drugim pravom.

Član 4.

(Obrazac legitimacije)

- (1) Obrazac legitimacije izrađen je na punom papiru i zaštićen omotom od prozirne mase.
- (2) Legitimacija je pravougaonog oblika, dimenzija 85x55mm.
- (3) Legitimacija se izdaje prema obrascu koji je odštampan uz ovaj pravilnik i čini njegov sastavni dio.

Član 5.

(Izdavanje legitimacije)

Legitimaciju izdaje Ministarstvo pravde i uprave Kantona Sarajevo (u daljnjem tekstu: Ministarstvo).

Član 6.

(Rok važenja legitimacije i vraćanje)

- (1) Legitimacija vrijedi od dana izdavanja do dana prestanka vršenja službe.
- (2) Nakon prestanka službe, tužilac je dužan vratiti legitimaciju Ministarstvu, putem Ureda Glavnog kantonalnog tužioca.

Član 7.

(Gubitak legitimacije)

- (1) U slučaju gubitka legitimacije, tužilac je dužan, najkasnije u roku od tri dana od dana gubitka, obavijestiti Ministarstvo, putem Ureda Glavnog kantonalnog tužioca.
- (2) Nova legitimacija izdaće se nakon što se izgubljena legitimacija oglasi nevažećom u "Službenim novinama Kantona Sarajevo".

Član 8.

(Knjiga evidencija)

- (1) O izdatim i zamijenjenim legitimacijama, Ministarstvo vodi knjigu evidencija.
- (2) Evidencija iz prethodnog stava sadrži:
 - a) redni broj;
 - b) ime i prezime tužioca kojem je izdata legitimacija i službeno zvanje tužioca;
 - c) serijski broj legitimacije;
 - d) datum izdavanja;
 - e) datum vraćanja;
 - f) datum oglašavanja nevažećom;
 - g) potpis tužioca koji prima ili vraća legitimaciju.

Član 9.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 03-07-02-27982/08
14. oktobra 2008. godine
Sarajevo

Ministar
Zlatko Mesić, s. r.

OBRAZAC LEGITIMACIJE GLAVNOG KANTONALNOG TUŽIOCA

Prednja strana legitimacije

| | |
|--|--------------------------------------|
| Bosna i Hercegovina Federacija Bosne i Hercegovine KANTON SARAJEVO KANTONALNO TUŽILAŠTVO KANTONA SARAJEVO | |
| PHOTO | GLAVNI KANTONALNI TUŽILAC |
| | SLUŽBENA LEGITIMACIJA br. _____ |
| | _____ Ime i prezime |
| | _____ JMB |

Zadnja strana legitimacije

Ova službena legitimacija je javna isprava kojom se dokazuje da je njen imalac Glavni tužilac Kantonalnog tužilaštva Kantona Sarajevo.

U skladu sa članom 26.Zakona o Kantonalnom tužilaštvu Kantona Sarajevo ("Službene novine Kantona Sarajevo", br. 20/02, 22/02 i 30/08), Glavni kantonalni tužilac ne može biti pozvan na krivičnu ili građansko-pravnu odgovornost ni za jedno djelo učinjeno tokom obavljanja svojih službenih dužnosti.

Glavni kantonalni tužilac ima prava koja mu pripadaju na osnovu zakona.

(Datum izdavanja)

M.P.

(Ministar pravde i uprave)

OBRAZAC LEGITIMACIJE ZAMJENIKA GLAVNOG KANTONALNOG TUŽIOCA

Prednja strana legitimacije

| | |
|--|---|
| Bosna i Hercegovina Federacija Bosne i Hercegovine KANTON SARAJEVO KANTONALNO TUŽILAŠTVO KANTONA SARAJEVO | |
|  PHOTO | ZAMJENIK GLAVNOG KANTONALNOG TUŽIOCA |
| | SLUŽBENA LEGITIMACIJA br. _____ |
| <hr/> <p style="text-align: center;">Ime i prezime</p> <hr/> <p style="text-align: center;">JMB</p> | |

Zadnja strana legitimacije

Ova službena legitimacija je javna isprava kojom se dokazuje da je njen imalac zamjenik Glavnog kantonalnog tužioca Kantonalnog tužilaštva Kantona Sarajevo.

U skladu sa članom 26. Zakona o Kantonalnom tužilaštvu Kantona Sarajevo ("Službene novine Kantona Sarajevo", br. 20/02, 22/02 i 30/08), zamjenik Glavnog kantonalnog tužioca ne može biti pozvan na krivičnu ili građansko-pravnu odgovornost ni za jedno djelo učinjeno tokom obavljanja svojih službenih dužnosti.

Zamjenik Glavnog kantonalnog tužioca ima prava koja mu pripadaju na osnovu zakona.

_____ M.P. _____
(Datum izdavanja) (Ministar pravde i uprave)

OBRAZAC LEGITIMACIJE KANTONALNOG TUŽIOCA

Prednja strana legitimacije

| | |
|--|---|
| Bosna i Hercegovina Federacija Bosne i Hercegovine KANTON SARAJEVO KANTONALNO TUŽILAŠTVO KANTONA SARAJEVO | |
| <div style="border: 1px solid black; width: 100px; height: 100px; display: flex; align-items: center; justify-content: center;">PHOTO</div> |  KANTONALNI TUŽILAC SLUŽBENA LEGITIMACIJA br. _____ _____ <small>Ime i prezime</small> _____ JMB |

Zadnja strana legitimacije

| | |
|--|---|
| <p>Ova službena legitimacija je javna isprava kojom se dokazuje da je njen imalac kantonalni tužilac Kantonalnog tužilaštva Kantona Sarajevo.</p> <p>U skladu sa članom 26. Zakona o Kantonalnom tužilaštvu Kantona Sarajevo ("Službene novine Kantona Sarajevo", br. 20/02, 22/02 i 30/08), kantonalni tužilac ne može biti pozvan na krivičnu ili građansko-pravnu odgovornost ni za jedno djelo učinjeno tokom obavljanja svojih službenih dužnosti</p> <p>Kantonalni tužilac ima prava koja mu pripadaju na osnovu zakona.</p> | |
| _____ (Datum izdavanja) | M.P. _____ (Ministar pravde i uprave) |